



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-2-40-059-4/21**
Datum: **25.02.2021. god**

«Agencija za vodno područje rijeke Save» Sarajevo rješavajući po zahtjevu pravnog lica „IN-VIVO DIZAJN” d.o.o. Živinice za donošenje rješenja o vodnoj saglasnosti za ispuštanje oborinskih onečišćenih voda i ispuštanje tehnoloških otpadnih voda sa lokacije benzinske stanice sa samouslužnom autopraonicom koja se planira graditi na zemljištu označenom kao k.č. broj: 1432/19 K.O Živinice Grad, općina Živinice., na osnovu člana 109. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Daje se vodna saglasnost pravnom licu „IN-VIVO DIZAJN” d.o.o. Živinice za ispuštanje oborinskih onečišćenih voda i ispuštanje tehnoloških otpadnih voda sa lokacije benzinske stanice sa samouslužnom autopraonicom koja se planira graditi na zemljištu označenom kao k.č. broj: 1432/19 K.O Živinice Grad, općina Živinice, u skladu sa projektnom dokumentacijom:
 - Glavni projekat snabdijevanja vodom i dispozicija otpadnih voda za poslovni objekat benzinske stanice sa samouslužnom autopraonicom, broj: 1-40-02/21, urađen od strane „ATRIUS PROJEKT” d.o.o Živinice, februar 2021. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 4.1. Radove na izgradnji sistema za prikupljanje, tretman i ispuštanje otpadnih voda, kao i rezervoara za skladištenje naftnih derivata, izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Ugradnju dvoplašnog rezervoara za skladištenje nafte i naftnih derivata zapremine 100 m³ izvršiti u skladu sa uputstvima proizvođača i važećim propisima za tu vrstu radova.
 - 4.3. Nakon izvođenja radova na ugradnji dvoplašnih podzemnih rezervoara za skladištenje nafte i naftnih derivata izvršiti ispitivanje kvaliteta izvedenih radova na bezbjednost od curenja, a u cilju zaštite površinskih i podzemnih voda.
 - 4.4. Radove na prikupljanju, prečišćavanju i ispuštanju oborinskih onečišćenih voda sa asfaltnih površina benzinske pumpne stanice i tehnoloških otpadnih voda iz autopraonice izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.5. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 4.6. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 4.7. U toku radova iskopani materijal se ne smije ni privremeno odlagati na česticu „vodno dobro”, odnosno u vodotoke i na njegove obale.
 - 4.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.9. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Službe za urbanističko planiranje, komunalne, geodetske i imovinsko-pravne poslove, Grada Živinice, broj: 05/7-23-941/08 dana 03.09.2008. godine.

5. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procjenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za ispuštanje oborinskih onečišćenih voda i ispuštanje tehnoloških otpadnih voda u prirodni recipijent sa lokacije benzinske pumpe i samouslužne autopraone. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

O b r a z l o ž e n j e

Pravno lice „IN-VIVO DIZAJN“ d.o.o. Živinice se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje oborinskih onečišćenih voda i ispuštanje tehnoloških otpadnih voda u sa lokacije benzinske stanice sa samouslužnom autopraonicom koja se planira graditi na zemljištu označenom kao k.č. broj: 1432/19 K.O Živinice Grad, općina Živinice.

U prilogu zahtjeva podnosilac je dostavio slijedeću dokumentaciju:

- Rješenje o izmjenama podataka broj: 032-0-Reg-20-001500 od 06.11.2020. godine izdata od Općinskog suda u Tuzli;
- Ovjerena kopija Uvjerenja o poreznoj registraciji poreznog obaveznika donesenog od strane Porezne uprave – Kantonalni ured Tuzla, 29.10.2020. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-6049-2/20 dana 12.11.2020. godine donesenog od Uprave za indirektno-neizravno oporezivanje Banja Luka;
- Ovjerena kopija Rješenja o urbanističkoj saglasnosti donesenog od strane Službe za urbanističko planiranje, komunalne, geodetske i imovinsko-pravne poslove, Grada Živinice, broj: 05/7-23-941/08 dana 03.09.2008. godine;
- Ovjerena kopija Rješenja o okolinskoj dozvoli broj: 12/1-19-40849/20 od 22.02.2021. godine, donesenog od Ministarstva prostornog uređenja i zaštite okolice Tuzlanskog kantona;
- Rješenje o vodnoj saglasnosti broj: UP-I/25-2-40-201-2/080 od 15.10.2020. godine donesenog od strane Ministarstva poljoprivrede, vodoprivrede i šumarstva – Tuzlanskog kantona;
- Rješenje o prethodnoj vodnoj saglasnosti broj: 04/1-11-21-04476/20 od 11.01.2021. godine donesenog od strane Ministarstva poljoprivrede, vodoprivrede i šumarstva – Tuzlanskog kantona;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save Sarajevo, broj: UP-I/25-1-40-484-5/20 dana 01.12.2020. godine;
- Glavni projekat snabdijevanja vodom i dispozicija otpadnih voda za poslovni objekat benzinske stanice sa samouslužnom autopraonicom, broj: 1-40-02/21, urađen od strane „ATRIUS PROJEKT“ d.o.o Živinice, februar 2021. godine;
- Studija o snabdijevanju vodom i dispoziciji otpadnih voda poslovnog kompleksa benzinske pumpe „IN-VIVO DIZAJN“ d.o.o. Živinice, broj: ZZV-HP-GP-313 urađenoj od strane „Zavod za vodoprivredu“ d.d. Sarajevo, novembar 2020. godine.;
- Glavni projekat benzinske pumpe „BETCOM“ d.o.o. Živinice, Knjiga I i Knjiga II broj: N-19/11/08 urađen od strane „N-KUĆA“ d.o.o. Visoko;
- Saglasnost za priključak na vodovodnu, kanalizacionu i hidrantsku mrežu kojom upravlja JP "VIK" d.o.o. Živinice;
- Dokaz o uplaćenju upravnoj pristojbi i administrativnoj taksi.

Nakon uvida u dostavljenu projektnu dokumentaciju utvrđeno je:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, niti u prostoru zona sanitarne zaštite izvorišta vode za piće.

Objekti benzinske pumpne stanice sa pratećim sadržajima „IN-VIVO DIZAJN“ planiraju se graditi na zemljištu označenom kao k.č. broj: 1432/19 K.O Živinice Grad, općina Živinice.

Na predmetnoj lokaciji planirana je izgradnja slijedećih sadržaja: nadstrešnica, automati za istakanje goriva, restoran, pomoćne prostorije, kancelarijski prostor, parking prostor, sanitarni čvor, podzemni čelični dvoplašni rezervoar za skladištenje nafte i naftnih derivata i samouslužna autopraonica.

Na lokaciji kompleksa nastaju tehnološke otpadne vode iz samouslužne autopraonica, oborinske onečišćene vode i sanitarno-fekalne otpadne vode.

Tehnološke otpadne vode i oborinske onečišćene vode će se prikupljati putem slivnika sa slivnom rešetkom u internu kanalizacionu mrežu i odvesti do tipskog separatora, te preko okna za monitoring ispuštati u postojeći mješoviti kanizacioni kolektor.

Za skladištenje nafte i naftnih derivata izvršit će se ugradnja podzemnog čeličnog rezervoara sa duplim plaštom ukupne zapremine 100 m³.

Projektna dokumentacija, dostavljena uz zahtjev, urađena je od strane pravnog lica „ATRIUS PROJEKT“ d.o.o Živinice broj: 1-40-02/21, , februar 2021. godine., koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-484-5/20 dana 01.12.2020. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat snabdijevanja vodom i dispozicija otpadnih voda za poslovni objekat benzinske stanice sa samouslužnom autopraonicom, broj: 1-40-02/21, urađen od strane „ATRIUS PROJEKT“ d.o.o Živinice, februar 2021. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata („Sl.novine FBiH“ broj: 31/15, 55/19 i 41/20), koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Voditelj postupka: Meho Čaušević B.Sc.ing.građ.

Prilog:

Glavni projekat snabdijevanja vodom i dispozicija otpadnih voda za poslovni objekat benzinske stanice sa samouslužnom autopraonicom, broj: 1-40-02/21, urađen od strane „ATRIUS PROJEKT“ d.o.o Živinice, februar 2021.

Studija o snabdijevanju vodom i dispoziciji otpadnih voda poslovnog kompleksa benzinske pumpe „IN-VIVO DIZAJN“ d.o.o. Živinice, broj: ZZV-HP-GP-313 urađenoj od strane „Zavod za vodoprivredu“ d.d. Sarajevo, novembar 2020.

Glavni projekat benzinske pumpe „BETCOM“ d.o.o. Živinice, Knjiga I i Knjiga II broj: N-19/11/08 urađen od strane „N-KUĆA“ d.o.o. Visoko.

Po ovlaštenju
Rukovodilac sektora za izdavanje vodnih akata

Haris Ališehović, dipl.inž.građ

Dostaviti:

- IN-VIVO DIZAJN d.o.o.,ul. Magistralni put bb 75270, Živinice (sa prilogom)
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava